

elicher wirtinn. vnd jro baider erben vnd näch- / kommenn. Ain phund vnd zwen schilling pfenning rechtz ewigs zinses vnd járklichs pfenning geltes alles güter genámer pfenning/ Costentzer münss. ald so vil der münss die ie járklichs denn ze mäl so der zins gevallet vnd vsgricht werden sol. ze veltkilch in der / Statt für Costentzer pfenning in gemainem löff vngevärlich geng vnd genäm ist. Ab vnd vss vnserm aigenn ledigenn güt mitenander / akkern wiswachs holtz vnd veld mit dem Seulin<sup>6</sup> das darzù gehört ze nächst gelegen an vnserm hus vnd hofstatt da wir hütt / ze tag vff sitzten, das vormals allesament von Allermånglichem gantzlich ledig lös vnd vnuerkúmbert ist. vnd ainhalt stössel / an die sträss da man gen der Nú wen Schellenberg<sup>2</sup> rýt vnd gät. vsswert an das gemain holtz. abwert an den Bomgarten der zü / der selben Schellenberg gehört, vnd vffwert an Ammans Stökkli<sup>7</sup> akker. Jtem das vorgescriben ain pfund vnd zwen schilling / Rechtz ewigs zinses vnd járklichs Pfenning geltz ab vnd vss dem ietzgedächten vnsserm aigenn ledigen güt akker wiswachs holtz veld vnd / s ewli<sup>6</sup> mitenander. ab grund ab grät. ab wasen ab zwý. ab gestúd ab gebåm wildem vnd zamem. vnd schlechteklich ab vnd vss / allen rechten. nützen. früchten vnd zugehörden benempten vnd vnbenempten. händ vor- genanter Cuntz im holtz<sup>1</sup>. vnd Agnesa sin / elichú wirtinn. dem obgenanten Albrechten Jnsigler<sup>4</sup>. Annen<sup>5</sup> seiner elicher wirtinn vnd jro baider erben vnd nächkommenn. für vns vnd och all Vnser / erben vnd nächkomen. recht redlich vnd aigenlich ze köfft geben ains ståten ewigen köffs. vmb Sechtzehen pfund vnd vmb zehn / schilling alles güter genámer pfenning Costentzer münss. dero wir allersament nutzlich vnd och gar vnd gantzlich nach vnserm / willen an Barem gelt von jnen gewert vnd bezalt sýgint. Mit dem geding das wir vnd all Vnser erben vnd nächkomen jn dero / hand vnd gewalt das vorgedächtnis Vnser aigen güt akker wiswachs holtz veld vnd sêwli näch vns alsuss iemer kunt ald ståt. dem / selben Albrechten Jnsigler<sup>4</sup>. Annen<sup>5</sup> seiner elicher wirtinn. ald jren erben oder nächkomenn da sis denn hin verschaffent, das vorgescriben jro / pfenning gelt ain pfund vnd zwen schilling der vorgedächten münss. nv hinnenhin járklichs vnd jegklichs järes besunder ie vff / sant Martis tag ald darnach jnwendig den nächsten viertzehen tagen än alles verziehen vnd och gantzlich än allen jren schaden / in jren gewalt richten geben vnd antwürten sollint än all widerred vnd